



# शनि चालीसा

 **Temples.bio**

नीचे दिए गए यूआरएल शनि चालीसा का जाप करना और सुनना सीखें।

[www.temples.bio/s-23](http://www.temples.bio/s-23)

॥ दोहा ॥

जय गणेश गिरिजा सुवन, मंगल करण कृपाल ।  
दीनन के दुख दूर करि, कीजै नाथ निहाल ॥  
जय जय श्री शनिदेव प्रभु, सुनहु विनय महाराज ।  
करहु कृपा हे रवि तनय, राखहु जन की लाज ॥

जयति जयति शनिदेव दयाला ।  
करत सदा भक्तन प्रतिपाला ॥ 1 ॥  
चारि भुजा, तनु श्याम विराजै ।  
माथे रतन मुकुट छवि छाजै ॥ 2 ॥

परम विशाल मनोहर भाला ।  
टेढ़ी दृष्टि भृकुटि विकराला ॥ 3 ॥  
कुण्डल श्रवण चमाचम चमके ।  
हिये माल मुक्तन मणि दमके ॥ 4 ॥

कर में गदा त्रिशूल कुठारा ।  
पल बिच करैं अरिहिं संहारा ॥ 5 ॥  
पिंगल, कृष्णों, छाया, नंदन ।  
यम, कोणस्थ, रौद्र, दुख भंजन ॥ 6 ॥

सौरी, मंद, शनि, दश नामा ।  
भानु पुत्र पूजहिं सब कामा ॥ 7 ॥  
जा पर प्रभु प्रसन्न है जाहिं ।  
रंकहुं राव करैंक्षण माहिं ॥ 8 ॥

पर्वतहू तृण होई निहारत ।  
तृण हू को पर्वत करि डारत ॥ 9 ॥

राज मिलत बन रामहिं दीन्हो ।  
कैकेइहुं की मति हरि लीन्हों ॥ 10 ॥  
बनहूं में मृग कपट दिखाई ।  
मातु जानकी गी चतुराई ॥ 11 ॥

लखनहिं शक्ति विकल करि डारा ।  
मचिगा दल में हाहाकारा ॥ 12 ॥  
रावण की गति-मति बौराई ।  
रामचन्द्र सों बैर बढ़ाई ॥ 13 ॥

दियो कीट करि कंचन लंका ।  
बजि बजरंग बीर की डंका ॥ 14 ॥  
नृप विक्रम पर तुहि पगु धारा ।  
चित्र मयूर निगलि गै हारा ॥ 15 ॥

हार नौलाखा लाग्यो चोरी ।  
हाथ पैर डरवायो तोरी ॥ 16 ॥  
भारी दशा निकृष्ट दिखायो ।  
तेलिहिं घर कोल्हू चलवायो ॥ 17 ॥

विनय राग दीपक महं कीन्होम् ।  
तब प्रसन्न प्रभु है सुख दीन्हों ॥ 18 ॥  
हरिश्चन्द्र नृप नारि बिकानी ।  
आपहुं भरे डोम घर पानी ॥ 19 ॥

तैसे नल परदशा सिरानी ।  
भूंजी-मीन कूद गी पानी ॥ 20 ॥

श्री शंकरहि गहयो जब जाई ।  
पार्वती को सती कराई ॥ 21 ॥  
तनिक विलोकत ही करि रीसा ।  
नभ उडि गयो गौरिसुत सीसा ॥ 22 ॥

पांडव पर भै दशा तुम्हारी ।  
बची द्रौपदी होती उघारी ॥ 23 ॥  
कौरव के भी गति मति मारयो ।  
युद्ध महाभारत करि डारयो ॥ 24 ॥

रवि कहं मुख महं धरि तत्काला ।  
लेकर कूदि परयो पाताला ॥ 25 ॥  
शेष देव-लखि विनती लाई ।  
रवि को मुख ते दियो छुड़ाई ॥ 26 ॥

वाहन प्रभु के सात सुजाना ।  
जग दिग्गज गर्दभ मृग स्वाना ॥ 27 ॥  
जम्बुक सिंह आदि नखधारी ।  
सो फल ज्योतिष कहत पुकारी ॥ 28 ॥

गज वाहन लक्ष्मी गृह आवैं ।  
हय ते सुख संपत्ति उपजावैं ॥ 29 ॥  
गर्दभ हानि करै बहु काजा ।  
गर्दभ सिद्ध कर राज समाजा ॥ 30 ॥

जम्बुक बुद्धि नष्ट कर डारै ।  
मृग दे कष्ट प्राण संहारै ॥ 31 ॥

जब आवहिं प्रभु स्वान सवारी ।  
चोरी आदि होय डर भारी ॥ 32 ॥  
तैसहि चारि चरण यह नामा ।  
स्वर्ण लौह चांजी अरु तामा ॥ 33 ॥

लौह चरण पर जब प्रभु आवैं ।  
धन जन संपत्ति नष्ट करवैं ॥ 34 ॥  
समता ताम्र रजत शुभकारी ।  
स्वर्ण सर्व सुख मंगलकारी ॥ 35 ॥

जो यह शनि चरित्र नित गावै ।  
कबहुं न दशा निकृष्ट सतावै ॥ 36 ॥  
अद्भुत नाथ दिखावैं लीला ।  
करैं शत्रु के नशि बलि ढीला ॥ 37 ॥

जो पंडित सुयोग्य बुलवाई ।  
विधिवत शनि ग्रह शांति कराई ॥ 38 ॥  
पीपल जल शनि दिवस चढ़ावत ।  
दीप दान दै बहु सुख पावत ॥ 39 ॥

कहत रामसुंदर प्रभु दासा ।  
शनि सुमिरत सुख होत प्रकाशा ॥ 40 ॥

॥ दोहा ॥

पाठ शनिश्चर देव को, की हों विमल तैयार ।  
करत पाठ चालीस दिन, हो भवसागर पार ॥



 **Temples.bio**

नीचे दिए गए यूआरएल शनि चालीसा का जाप करना और सुनना सीखें।

[www.temples.bio/s-23](http://www.temples.bio/s-23)